

di la vittoria, hauta et pregandolo voy vardar da corsari, sicome el scrive, etc. È da mò fu preso di vestir il suo ambassador di una caxacha di restagno d'oro, et altre di veludo e raso, et cussi la fameia, *ut in parte. Item*, donarli a lui ducati 500. Et fu presa.

Fu posto, per li Savii, una lettera a l'Orator nostro in corte di la venuta di l'orator dil Turchio, et come l'havemo expedito; qual n' à avisato la vittoria hauta a Rhodi, et che li christian doveria antiveder a li pericoli di la christianità; et zercha l'accordo tratato di qui con li oratori cesarei, per nui non ha manchato venir a ogni honestissima condition.

Fu posto, per li Consieri, (*affinchè*) li XX Savii sora le apellation di Rialto non si cali in numero, si possi cavar di quelli stati fin 3 mexi, et manchando entri di X Savii. 170, 14, 6.

Fu posto certe parte di tre stratioti, darli ducati uno di più per paga, *videlicet* Donato Peta e Andrea Masi è in Dalmatia soto Piero Busichio, et Jone Comi sotto il cavalier Lusi; sichè habino ducati 4 per uno per paga. 141, 13, 1.

Dil Capitanio zeneral, fo leto lettere, date in porto di le Quaie et a Corfù, vechie. Con avisi di Syo e dil naufragio di l'armata turesca in questo andar in Streto, peride 32 galie, poi 12. *Item*, su la galla grossa perite, era le robe dil Zeneral et homeni 300 et altre particolarità. *Tamen* si ha il Zeneral è zonto a Parenzo e andava in Cao d' Istria, dove le galie vien a disarmar va li, dove da quel Podestà et capitano harano danari.

Di Crema, fo lettere, con avisi. Et par che Polo Paleologo, fo casso di nostri stipendii con 100 cavali di stratioti, si li cassi come di li altri, erano zonti a Milan et ben visti et carezati dal Ducha.

Fu posto, per tutto il Collegio, pagar il dazio di anfore 12 vin vene a domino Hironimo Adorno orator cesareo. 161, 2.

28* Fo incantà questa matina, in Rialto, le galie di Baruto. Avele sier Zuan Nadal qu. sier Bernardo per L. 70, ducati 1, sier Antonio Badoer qu. sier Giacomo per L. 10, ducati 1.

In Alexandria, sier Stai Balbi qu. sier Zaccaria per sier Piero Polani L. 120, ducati 3, sier Antonio Contarini di sier Ferigo, per L. 71, ducati 7.

Noto. Eri partite sier Alvise Mocenigo el cavalier va orator a Roma con barcha fino a Pexaro, dove dia esser li altri 4 andati per terra, et vachò la Conseiaria.

In questa matina, fu preso in Quarantia criminal, prima di bandizar uno Zuan Maria betoler, compia

6 mexi in prexon, bandizà di tre anni di Veniexia etc. con taia. *Item*, preseno de retenir Ferigo di Andrea di Axola per haver barato molti in la dita caxa con carte false, et *maxime* sier Piero Zivran qu. sier Francesco. Il qual Ferigo inteso questo, mandò a inebir per il Legato, dicendo è prete etc.

Noto. È zonte galie col Zeneral in Histria vien a disarmar, sier Vicenzo Zantani, sier Zorzi Guoro, sier Stefano Trivixan.

Scurtinio de Savii dil Consejo, do ordinarii, con pena.

Sier Polo Capello el cavalier fo savio dil Consejo, qu. sier Vetur	89.101
Sier Daniel Renier fo savio dil Consejo, qu. sier Constantin	102. 93
† Sier Nicolò Bernardo fo savio dil Con- sejo, qu. sier Piero	120. 71
Sier Marin Zorzi dottor fo savio dil Con- sejo, qu. sier Bernardo	108. 87
† Sier Hironimo da cha' da Pexaro fo ca- pitano a Padoa, qu. sier Beneto pro- curator	111. 80
Sier Alvise Gradenigo è ambador al Summo Pontefice, qu. sier Dome- nego cavalier	64.134
Sier Antonio Condolmer fo savio a ter- ra ferma, qu. sier Bernardo	77.121

Due Savii di terra ferma.

Sier Lunardo Justinian fo patron a l'ar- senal, qu. sier Unfrè	95. 95
Sier Beneto Zorzi fo avogador di co- mun, qu. sier Hironimo el cavalier.	94.100
Sier Piero Bragadin fo provedador so- ra le camere. qu. sier Andrea	97. 99
Sier Nicolò Salamon fo avogador di co- mun, di sier Michiel	75.124
Sier Filippo Capello è di Pregadi, qu. sier Lorenzo, qu. sier Zuan procu- rator	35.156
Sier Andrea Arimondo fo consolo a Da- masco, qu. sier Alvise.	77.121
Sier Francesco Morexini el dottor, qu. sier Gabriel	62.128
Sier Zuan Francesco Badoer fo prove- dador sora le camere, di sier Ja- como	94.101
Sier Troian Bollani qu. sier Hironimo.	65.132